

## B. Serbowstwo wokoło Drjewka.

### VII. Wicelanska wosada.

Do Wicelanskeje wosady słušeju wsy: Wiki (Petershayn), Lindow (Lindchen), a filiala Wołobuz (Almosen) z Bobošojcami (Bahnsdorf).

We Wikach a Wołobuzu přesta serbske předowanje cyle w l. 1842 ze smjeréu fararja Jana Bjedricha Dallwitzta, rodz. z Khoćebuza. Tola tež hižo Dallwitz předowaše, wot kollatora nuzowany, jenož hišće w róčnych časach po němskej Božej službje tež serbski; spowědź, kotraž ma so tu trójcy wob lěto (?), bě jenož jónu serbska a to prěnja; spěwachu so — džiw! — pječa na serbskich kemšenjach hač do kónca tež serbske kěrлуše. Po Dallwitzowej smjerći njepřida tehduši kollator oberstlieutenant z Rottberg, zo by so zaso po žadanju wosady serbski farař wuzwolił, ale powoła samopašne němskeho fararja Richtera, rodz. z Sčenojc (Stennewitz) p. Lubnjowa; Wołobuzska wosada so přeciwo tomu zakhadženu spjećowaše a wobčežowaše, bu pak nuzowana so spokojić.

Šule su we Wikach (wuč. Reichert, Serb z Góronowa; před nim 1864—78 Zola, Serb z Parcowa), we Wołobuzu (wuč. Richter) a Bobošojcach (wuč. Nowel, Serb z Střadowa). Runjež mějachu tute šule dotal zwjetša serbskich wučerjow, so tola serbski we nich wučilo njeje.

Wiki maju 70 čisłow; kak tam ze Serbowstwom stoji, njemóžach tak prawje zhonić, wězo pak nic derje; serbski powědać nikoho njesłyšach. Něchtó mi praješe: Wot 50-lětnych a starších wobydleri rozumja wšitcy serbski, wot 30—50-lětnych połjca, wot džěci žane; powědaju Wicelenjo serbski jenož, hdyž do serbskich stronow příndu. Jedyn druhi ličeše do cyła jeno na 20 Serbow we Wikach, najskeršo měnješe tajkich, kiž hišće serbski mjez sobu rěča; přetož třeći swědk wobkručeše, zo we wsy hišće někotři ludžo serbski mjez sobu rěča a zo tež něšto mało džěci hišće serbski rozumi. — W Lindowje, małej wjescy, hdzež su ryčeř-kublerjo wšě burske kubla pokupili a twarjenja zwottorhali, móžetej jenož hišće dwě starej khudej wuměnkafcy serbski. — We Wołobuzu a Bobošojcach rěča pječa jenož stari ludžo hišće